

陽宅大全

八宅四

一宅經云得地得宮世貴名雄失地失宮流離  
蒿蓬得地失宮有始無終失地得宮衣食過  
克八方爲地八卦爲宮九星爲星宮生星星  
生宮者吉星剋宮宮剋星者凶凶剋外凶猶  
可外剋內凶莫當

一卦以坎離震兌爲四正乾坤艮巽爲四維星  
以貪巨武爲吉破祿文廉爲凶宅以遊年順  
布八卦爲靜穿心貫串三層以至五層金木

水火土順生爲動六層以至八九層二木二土二金一水一火博換更遞直至伏位爲變多而凶則減而爲少少而凶則增而爲多務使卦爻相配吉凶相生門凶則改房房凶則改門門房俱凶又值難改之勢急宜遷移勿罹凶禍此陽宅之要旨

一動變二宅起例如動宅以坐坎向離開巽門爲例自大門巽上順數巽天五六禍生絕延數至向上得天醫土星爲第一層自此土生

第二層武曲金金生第三層文曲水水生第四層貪狼木若有第五層則爲廉貞火此爲火星入宅所以此宅只宜四層如變宅亦以坎宅巽門爲例自巽門起游年順行至對宮離上得天醫土星爲第一層二土二金一水二木一火右弼以次生進絕命先到第二層是祿存土第三層是破軍金第四層是武曲金第五層是文曲水第六層是左輔木第七層是貪狼木第八層是廉貞火第九層生氣

在坎屬木右弼亦屬木是右弼木廉貞非吉星所以此宅宜七層亦宜九層不宜八層

一穿宅之法宅有六七八九層用二土二金二木一水一火加左輔右弼方盡星卦之用且如二土生金初用之金當以游年爲主從門上數起如延年先到則先武曲而後破軍如絕命先到則先破軍而後武曲其他二土二木倣此推右弼於五行隨類而化看入宅坐宮何星遇金屬金遇木屬木遇土屬土由星

無定性故吉凶亦從之而化也

一造宅之法不外陰陽五行而陰陽以中和爲貴有陽無陰則不能生有陰無陽則不能成陰陽配合富貴雙全五行有生有剋有生無剋則不旺財有剋無生則不旺人生剋中和人財兩旺

一坐山加法如坐山乾加戌三分則先戌土戊也土用事三年而後乾金用事七年如亥山加乾五分則先乾金用事五年而後亥木用事

五年如壬山丙向加亥則以壬爲主用事而亥乃各卦不用事

一凡相宅論間架則用洛書之數日陰陽論方位則用八卦之陰陽以數目之陰陽而論方位之陰陽非也

一卜居圖解七星定位相生章云巨門生武曲武曲生文曲文曲生貪狼貪狼生廉貞廉貞生祿存祿存生破軍破軍生文曲文曲又生貪狼巨門不生破軍廉貞不生巨門文曲不

生輔弼輔弼無生據此相生者正有七星而  
輔弼不入何以謂之九星且至文曲便隔斷  
巨門武曲二吉星卽欲趨吉無由而趨況輔  
弼二星輔次於貪狼亦吉星也豈得無生惟  
弼無定位隨類而化耳又云輔弼二星俱屬  
陰木固不惟不知輔爲次吉亦不知弼之不  
專屬木矣此皆不識九星之情不知穿宅之  
法也觀其書凡層數多者止用截路分房之  
法數之大畧可見



一遊年賦入式掌訣云四正番金武曲屬金四正之中惟坎離二正遇武曲金星二金比和則爲番延其餘有剋者不用

一居宅不能無凶星貪狼爲青龍巨門爲黃蛇武曲爲螭螭三星俱吉但使貪巨武三房高大爲主則祿破文廉四凶煞自不能爲禍卽一曜當權羣凶退伏

一九星返照如貪狼見貪狼福壽兩榮昌又如貪狼乃吉星再遇天醫延年則吉如天醫延

年遇貪狼亦吉此三星雖吉若遇五鬼等四  
凶亦難發福大抵吉星遇吉愈吉凶星遇凶  
愈凶

一貪狼吉星本喜高大但木入中宮反爲不吉  
須以絕路分房或向上多蓋幾層活法處之  
務令貪狼不入正中房方可

一凡層數門房頭一層朝內開門從向上數起  
若朝外開門止可作門不可作向又當從第  
二層數起

一宅有八卦卦有九星星有三吉而門因之昔人云寧爲人立千墳毋爲人安一門人生大塊此身全在氣中一居房室未免隔別而門通出入是爲氣口坎離震巽爲東四宅欲修坎宅宜從震巽離三方開門修離宅宜從坎震巽三方開門修震宅宜從坎離巽三方開門修巽宅宜從震離坎三方開門乃合東四裝東卦如誤用西四之門則非吉宅矣乾坤艮兌爲西四宅欲修乾宅宜從坤兌艮三方

開門修坤宅宜從乾兌艮三方開門修兌宅  
宜從乾坤艮三方開門修艮宅宜從乾兌坤  
三方開門乃合西四裝酉卦如誤用東四之  
門則非吉宅矣東西不犯分金又要用地支  
七分以門從地下行且合旺相分金如坎離  
震兌四正屬地支用地支七分者坎之庚子  
丙子離之丙午庚午震之丁卯辛卯兌之丁  
酉辛酉乃旺相分金方也乾坤艮巽四隅屬  
天干用地支七分者乾之亥丁亥分金乾之

戊庚戌分金坤之未辛未分金坤之申丙申  
分金艮之丑辛丑分金艮之寅丙寅分金巽  
之辰庚辰分金巽之巳丁巳分金乃旺相分  
金方也又如乾之亥用丁亥分金七分亥三  
分乾亦是地支七分又如坎之庚子七分子  
三分癸亦是地支七分其餘可例推矣分金  
既合而尺寸之間不合法度亦未盡善乾兌  
二門濶四尺六寸高八尺八寸取金生水水  
生木之義坤艮二門濶五尺高九尺取火生

土之義震巽二門濶三尺九寸高八尺九寸  
取水生火之義坎離二門濶四尺二寸高八  
尺七寸取金水木火相生之義尺式長九寸  
以合九宮八寸以合八卦五分以合五行左  
奇右耦以合陰陽按法用之吉無不利

一陰陽二宅全係放水其法一差諸法無用矣  
八宅放水坎宜丁離宜癸震宜辛巽宜壬乾  
宜丙坤宜甲艮宜庚折離兌宜乙此定法也  
但水法取效如谷應聲尺寸之間禍福立見

如以八卦繫之未免有差須論二十四山方  
不差尺寸

一正五行以山論水雙山五行以龍論水玄空  
五行以向論水納音五行以穿山透地論水  
俱要派于未盛潮于太旺澤于將衰流于囚  
謝派于未盛長生方也潮于太旺冠帶臨官  
方也澤于將衰帝旺方也流于囚謝衰病死  
絕墓方也先用雙山五行以龍消水龍不合  
用正五行以山消水龍山又不合用玄空五

行以向消水內向不合以外向消水外向不合以穿山六十龍納音暗伏消水或以坐山六十龍分金納音消水只取一家合格則吉如全不合格形勢雖真不獲福矣

一放水一說要分淨陰淨陽乾甲坤乙坎癸申辰離壬寅午戌俱陽艮丙巽辛兌丁巳丑震庚亥卯未俱陰不要陰陽相雜但水法多端拘定此說終無出路矣酌而用之只論到堂爲是陽龍陽向宜陽水到堂陰水到堂爲破



局陰龍陰向陰水到堂陽水到堂爲破局如不得已用控制之法

一水法乙辛丁癸爲小神甲庚丙壬爲中神乾坤艮巽爲大神凡放水務要從小神入中神中神入大神御街出口如無小神可放中神轉入大神如無小神中神一槩放大神語云小神入大神其家有金銀大神入小神其家立見貧此單于水法最驗至今用之

一九星步數乾戌亥壬向一步起左輔子癸丑

艮向一步起貪狼四二寅卯向一步起武曲  
庚辛兌向一步起破軍辰巽巳丙向一步起  
文曲丁壬未坤申向一步起巨門離向一步  
起廉貞假如丙向一步起文曲二步廉貞三  
步武曲九星之中雖無弼同宮不以二星論  
餘倣此

一九星貪狼武曲宜來不宜去巨門去來俱宜  
其餘俱宜去不宜來

一九星公位貪狼廉貞長房巨門祿存中房文

曲武曲幼房輔弼長房中房並管凡步內轉  
折務要合貪巨武三吉星如無吉星無二房  
者可借祿存星放之無三房者可借文曲星  
放之

一山管人丁水管財故凡剋皆不利惟明堂則  
可剋山剋明堂主發財明堂儻生山則發人  
如虛眼明堂中作一石橋過者乃火也而壬  
癸水山剋之主大發財其橋下填實者尤佳  
亦名日月明堂

三 本山土方旺方不可放出水出長生方 房

一 辰戌丑未遇破軍名爲殺人黃泉遇巨門名爲救人黃泉干上卦下曰四路黃泉訣云庚丁坤上是黃泉乙丙須防巽水先甲癸向憂見艮辛壬向首怕流乾下卦番上曰八路黃泉訣云坤向庚丁切莫逢巽兼乙丙禍重重艮逢甲癸還須忌乾怕辛壬最是凶是也一放水不可放于午卯酉主人財不旺出軍賊

之事亦不可放寅申巳亥名爲劫殺主生灾損家長

一消宅內之水要在儒後一層房後正中將水改作兩分至茶廳前將後兩分之水會合于此務使上分下合之玄而出此放水正法其次會合橫過一方順從一邊行去方位合法亦無傷也家堂兩耳明堂水亦要擇吉星方位出入依正堂水放之

格門樓用羅經於門限上格若觀水路於滴

水下格若論到堂水就于堂中心格若作櫃轉折處就于轉折櫃內中心格

一明堂大小濶狹可先步定尺數然後放之

一步數用九天玄女玉尺十箇小銅錢爲一尺

大尺四尺八寸爲一步從簷前滴水爲界起步遇一三五七九步吉二四六八十步凶

一水步一步管三年合轉折處總筭初步小六尺卽四尺八寸一星管事二步小七尺卽五尺六寸一星管事三步小八尺卽六尺四寸

一星管事三步後又從六尺至八尺周而復始管事星辰則照九星順數

一水櫃大小深淺尺寸須依河圖一六水二七火三八木四九金五十土丈尺分數

一放水以本山爲我出水爲他山生水水剋山  
凶山剋水水生山吉

一放水轉折不可撞溝渠柱杌如遇此等放半  
步或一步半或二步半那步長短湊解之  
一放水轉折照例起不可撞家內人年命如遇

年命于此步內溝頭另作一小水櫃轉折或  
半步或步半解之

一明堂某向宜深某向宜淺可依賴公法作用  
一明堂內水不見急去財源綿綿出口見外坑  
澗或流急去其財雖發不久遠

一水放堂房兩邊不當中出名爲射脇水主房  
分不均放從兩房牀下出名爲抽腸水

一放水定局歌云乾壬壬上未庚寅巳丙午丁  
丁上行申戌居乾艮放艮卯辰乙乙酉辛辛



丑寅甲甲巽還巽亥子癸向癸上行坤宮水  
放坤宮妙說與時師仔細論此論二十四向  
癸卯亥壬丁上去酉戌辛山乙上求未申庚  
山甲上去巽巳午丁癸上求子山辛上寅辰  
甲乾坤艮乙丙當門流甲丑二庚上放乾宮  
本位保千秋只論坐山不論向永絕黃泉到  
那頭此論二十四山乃天井水非明堂水也  
二十四向與二十四山放水多同其不同者  
止乾酉午未四向

一楊筠松九星水法子午寅申辰戌此六向武  
曲星管局要右水倒左或水朝來有大塘聚  
水吉水流右或明堂水直去凶歌云子午寅  
申戌與辰朝來武曲旺人丁定主小房先發  
富兒孫富貴萬餘春水流直去不回頭代代  
兒孫轉生愁長子房中田地退家門破敗不  
曾休亥卯未巳酉丑此六向巨門星管局要  
左水倒右或水朝來有大塘聚水吉水流左  
或明堂水直去凶歌云牛羊猪兔及蛇雞東

畔朝來要轉西斷定長房先發福見孫昌盛  
富無虧水流右畔不回來長房田地化成灰  
百禍臨門難躲避外姓傳家實可悲壬癸艮  
甲乙巽丁坤庚辛此十向破軍祿存廉貞三  
星管局要右水倒左或水去吉水朝來或有  
塘窟並鹵歌云癸向艮甲乙巽丁坤與丙壬  
庚共辛右水流左房房吉水流百步值千金  
破軍祿存與廉貞諸水朝來百禍侵長房必  
然先見損兒孫代代受災連丙乾此二向貪

狼星管局要左水倒右或朝東有塘聚水吉  
水流左或明堂水直去凶歌云壬山丙向巽  
山乾水若朝來便進田最宜左水流右去兒  
孫發福富綿綿貪狼直去水并祥右水流東  
換長房田地家財從此退兒孫貧乏苦難當  
此論外水也如其不合不必拘泥

八宅四書三

一論福元

本山爲福德宮生人居之各有所宜東四宜東  
西四宜西是爲福元如宜東而西宜西而東方  
位雖吉不獲福矣其法以野馬跳淵訣照九宮  
訣男逆女順數至何宮卽於此宮照八宮訣順  
起遊年八卦數至卦位俱合吉星爲此宅相生  
之人假如上元甲子宅主辛丑年生照九宮訣  
一宮起甲子逆數跳入離宮起甲戌艮宮起甲

申兌宮起甲午乾宮起乙未中宮丙申巽宮丁酉震宮戊戌坤宮己亥坎宮庚子離宮辛丑是爲離宮生人將離卦順起遊年離六五絕延禍生天延年在坎生氣在震天醫在巽是爲東四宅相生人且如上元甲子宅母癸卯年照九宮訣中宮起甲子順數乾宮起甲戌兌宮起甲申艮宮起甲午離宮乙未坎宮丙申坤宮丁酉震宮戊戌巽宮己亥中宮庚子乾宮辛丑兌宮壬寅艮宮癸卯是爲艮宮生人將艮卦照八宮順

遷遊年艮六絕禍生延天五生氣在坤延年在  
兌天醫在乾是爲西四宅相生人年命與宅相  
生當住此宅縱宅難拘定當住此房

## 二論生命

凡宅有吉而人居之不吉有凶而人居之忽吉  
者皆由生命能制化不能制化使然耳生命以  
納音取之如破軍金宅木命火命居之主難爲  
妻子猶不至敗絕若木命人居之則凶矣他倣  
此

三論修造

凡宅之成敗存乎五形相變之氣生旺休囚全主於此苟知氣象之源是爲宅之宗旨如乾宅屬金四陽六宮之位其氣止有四十年坎宅屬水三陽一宮之位其氣止有二十九年艮宅屬土五陽八宮之位其氣止有三十二年震宅屬木二陽三宮之位其氣止有三十一年巽宅屬木四陰四宮之位其氣止有三十五年離宅屬火三陰九宮之位其氣止有三十四年坤宅屬




土五陰二宮之位其氣止有二十九年宅屬  
金二陰七宮之位其氣止有三十六年皆五行  
順布自然之數其氣盡則其宅凶其氣餘則其  
宅吉智者于此亦當有轉移造化之術變禍爲  
福三十年一小修六十年一大修謂之續氣

#### 四論分房

分房之法毋論宅基寬窄每邊隨其長短分作  
十四分中間卦管六分四角卦管四分假如坎  
宅後正中六分屬坎左角二分屬艮右角二分

屬乾左橫正中六分屬震上角二分屬艮下角  
 二分屬巽右橫中正六分屬兌上角二分屬乾  
 下角二分屬坤前正中六分屬離東角二分屬  
 巽西角二分屬坤凡定吉凶卦位俱照此分斷  
 分房圖



論丈尺

凡修宅先用羅經格其坐向而八方止用八卦不用二十四山及分經等說且以坎宅爲例住宅必用南北長于東西以一畝之官爲式南北直長八丈東西橫濶七丈五尺或開巽門或開離門只用算法四歸法歸之正中離方占三丈七尺五寸巽方占一丈八尺七寸五分坤方占一丈八尺七寸五分如安巽門則宜安于巽方一丈八尺七寸五分之中如安離門則宜安于

離方三丈七尺五寸之中此乃方卦停勻庶不  
墜于非離非巽之差

六論抽爻換象

抽爻換象以乾坎艮震東北二方房爲四陽巽  
離坤兌西南二方房爲四陰凡修蓋東房北房  
一口畫一陽爻修蓋西房南房一口畫一陰爻  
門爲初爻房屋十座二十座以五座坎序爲上  
五爻或創新或修舊俱算一座其餘除起不算  
如無五座自東方北方搬入宅亦畫一陽爻移


尚西方南方住亦畫一陰爻湊成六爻二卦盤  
成須要陰配陽陽配陰不可二卦俱陽是爲陽  
多傷婦女不可二卦俱陰是爲陰多損兒郎至  
會局之年月其應如響又不可合成凶卦自有  
本經凶星斷例陰陽配合又要合祖山延年生  
氣吉星所謂坎須配離震須配巽乾須配坤艮  
須配兌是也吉星之中不用巨門以巨門天乙  
雖合吉星皆陽配陽陰配陰不可用耳火庵抽  
爻換象亦以火庵爲初爻修蓋房屋爲五爻但

不用搬移湊合

七論方位節氣

二十四氣乃八宅建旺之日如乾宅取立冬霜降小雪坎宅取大雪冬至小寒艮宅取大寒立春雨水震宅取驚蟄清明春分巽宅取穀雨立夏小滿離宅取芒種夏至小暑坤宅取大暑立秋處暑兌宅取白露秋分寒露各一十五日皆本宅生氣月令修造依此乘旺避衰就中論之霜降戌旺立冬乾旺小雪亥旺大雪壬旺冬至

坎旺小寒癸旺大寒丑旺立春艮旺雨水寅旺  
 驚蟄甲旺春分卯旺清明乙旺穀雨辰旺立夏  
 巽旺小滿巳旺芒種丙旺夏至午旺小暑丁旺  
 大暑未旺立秋坤旺處暑甲旺又各有所主也  
 方位節氣圖




八論九宮

九宮建造卽戴九履一左三右七二四爲肩六八爲足五居中央其法以家長生命照三元泊宮上起甲子用野馬跳澗訣男逆女順數至旬中尋生命泊宮仍男逆女順退八宮之五位爲定宮又於生命泊宮上男逆女順周行八宮數至行年泊宮爲遊年就將遊年訣不問男女順布八宮看是何星到定宮若值生氣延年天醫伏位大吉五鬼六煞絕命禍害大凶假如上元



戊辰生男其年三十七歲是三宮生人退五宮  
 至七宮為定行年在八宮以八宮艮之遊年變  
 入七宮兌上見延年即是延年管生命宮此年  
 宜修造餘倣此

九宮修造圖



上元甲子生人男起七官逆行女起五官順行  
中元甲子生人男起一官逆行女起一官順行  
下元甲子生人男起四官逆行女起八官順行

九論遊年變宅

不論男女皆從兌上起一十順行零年逐宮數  
去如戊戌生人至巳丑年行年五十二歲就於  
兌上起一十坎上起二十震上起三十離上起  
四十兌上起五十乾上起五十一坎上起五十  
二卽以定生宮兌宅生人按入宮掌起兌生禍

延絕六五天今年五十二在坎卽禍害值年者  
宜修造正堂房屋宇如庚寅年行年五十三歲  
數到艮宮卽延年武曲修造樓房屋宇大吉如  
宅母丙午生人至己丑年行年四十四歲就于  
兌上起一十坎上起二十震上起三十離上起  
四十坤上起四十一兌上起四十二乾上起四  
十三坎上起四十四卽以定生宮坤宅主人按  
八宮掌起坤天延絕生禍五六今年四十四在  
坎卽絕命破軍值年不宜修造正堂房屋如庚

寅年四十五歲數至艮宮卽貪狼生氣大宜修  
造樓房屋宇經云生氣延年兼伏位卽福德宮天乙  
四路好興工

遊年變宅圖

坤

兌九十一

乾

離

四十  
八十一  
一百二十

坎

三十一  
六十一  
九十一

巽

震

三十一  
六十一  
九十一

艮

# 十論命辰

十二命辰是流年五行生旺休囚以別吉凶也  
其法以命前五辰爲宅神命後一辰爲破宅命  
前七辰爲墓神命後一辰爲破墓再看宅神上  
行年遁得是何干如戊巳倉庫之神庚辛白衣  
之神甲乙青龍之神壬癸盜賊之神丙丁明喜  
之神是也假如子生人命前五辰巳爲宅神甲  
巳年修造五虎元遁甲巳起丙寅順行至巳上  
見巳字爲倉庫又如丑生人命前五辰在午乙



巳生人

戊辰子午青龍明喜倉庫白衣盜賊

午生人

亥巳丑未青龍明喜倉庫白衣盜賊

未生人

子午寅申青龍明喜倉庫白衣盜賊

申生人

丑未卯酉青龍明喜倉庫白衣盜賊

酉生人

寅申辰戌明喜倉庫白衣盜賊青龍

戌生人

卯酉巳亥明喜倉庫白衣盜賊青龍

亥生人

辰戌午子倉庫白衣盜賊青龍明喜

附五虎遁

甲巳起丙寅乙庚起戊寅丙辛起

庚寅丁壬起壬寅戊癸起甲寅

十一論九星流年臨宮

九星卽都天轉運貪巨祿文廉武破左右是也  
子酉年貪狼在中宮丑戌年貪狼在巽寅亥年  
貪狼在震卯年貪狼在坤辰年貪狼在坎巳年  
貪狼在離午年貪狼在艮未年貪狼在兌申年  
貪狼在乾順行九宮則知某年某星臨某方如  
未年貪狼在兌巨門在艮祿存在離文曲在坎  
廉貞在坤武曲在震破軍在巽左輔在中宮右  
弼在乾餘倣此月建九星正月十月貪狼在中



宮二月十一月貪狼在巽三月十二月貪狼在震四月貪狼在坎六月貪狼在離七月貪狼在艮八月貪狼在兌九月貪狼在乾順行九宮亦知某月某星臨某方也

九星流年臨宮圖

巨坤

破兌

武乾

右離

廉中

貪坎

文巽

祿震

左艮

排山掌訣

十二年支子從中起向巽逆數到本年支加貪  
狼逆數遇貪巨武臨宮可脩造十二月倒亦同  
止論年月不論日時飛宮掌訣廉貞獨管中央  
排山掌訣定局以貪狼入中宮向巽逆轉則廉  
貞居坎矣貪狼爲生氣之始原居一坎是名爲  
頭廉貞屬火原居離位今反居一地故曰倒掛  
頭

### 十二論流年小運

流年建造是生命適合諸宏亦星辰卽行年小運

子寅辰午申戌陽命生人一歲起功曹逆行丑  
卯巳未酉亥陰命生人一歲起傳送順行一歲  
十一二十十一三十一每隔一位至臨年節節數  
去一年一位數至流年上見勝光神后功曹傳  
送爲大通登明大吉小吉爲小通從魁太乙太  
衝爲小凶天罡河魁爲大凶是也假如寅生人  
某年三十五歲一歲從寅逆行十一在子二十  
一在戌三十一在申零年節節數去到辰是天  
罡餘皆倣此凡修正堂正廳專依此法倘修補

小房不必盡拘

流年小運圖

傳送申

從魁酉

河魁戌

登明亥

小吉未

神后子

勝光午

大吉丑

太乙巳

天罡辰

太衝卯

功曹寅

十三論二十八宿臨宮

分房之法前已悉載此係星極之數東西亦有坎離南北亦有震兌四面八方皆可遷修恐經

秘理玄難以測識今舉其節要以明之自巽宮  
起角逆行二十四位其四維各管二宿支干止  
管一宿周於四面乃爲七政若修造遷移竟以  
方宿直入中宮陽順陰逆數至本宅詳看生剋  
則知其吉凶也假如離宅辛年修造將胃宿直  
入中宮順飛到離見參宿屬水離屬火是水火  
相剋不利如乾宅子年修造將虛星直入中宮  
順飛到乾見危宿屬水乾屬金是金水相生大  
吉如丑年修造用牛宿逆飛到乾見胃餘皆倣

此

二十八宿臨宮圖



十四論火庵

火庵乃修造初起用七七四十九把燒火之所  
修造不立火庵是無根冷氣之宅居則凶多吉  
少火庵有方位坎離宜申震巽宜庚乾宜丙坤  
宜癸艮宜己兌宜癸亦有坐向坎宜坐甲向庚  
離宜坐辛向乙艮宜坐庚向甲巽宜坐壬向丙  
乾宜坐丙向壬坤宜坐艮向申艮宜坐乙向辛  
兌宜坐辛向乙亦有步數坎去中五十二或二  
十八離去中五十三或三十二震去中五十三

或二十二巽去中五十二或二十八乾去中五  
十三或三十二坤去中五十三或二十八艮去  
中五十二或二十八兌去中五十三或三十二  
抽爻換象初爻火庵二爻首舍如修布不合本  
宅吉路只宜折去首舍界南爲陰界北爲陽陽  
改陰陰改陽自然合法



# 火庵圖



辰戌爲界  
南陰北陽

## 十五論遷移

八宅體數根元永定陰陽修造遷移勿犯重陽  
重陰如從正北遷去正南名爲離宅後日又遷  
去兌或改作坤離爲三陰兌爲二陰坤爲五陰

共十陰氣也居則不利如從正南遷去正北名  
爲坎宅後日又遷去震或改作艮坎爲三陽震  
爲二陽艮爲五陽共十陽氣也居亦不利必先  
住陽宮後遷陰宮先住陰宮後遷陽宮陰陽配  
合亦爲吉宅

### 十六論遷移避忌

遷移避忌年月惟忌對沖二十四山坎離震兌  
卽子午卯酉如子午相沖遷住正北及坎宅忌  
用午年夏至月日遷正南及離宅忌用子年冬

至月口遷正東及震宅忌用酉年秋分月日遷  
正西及兌宅忌用卯年春分月日遷壬方忌芒  
種節遷癸方忌小暑節遷丑方忌大暑節遷艮  
方忌立秋節遷寅方忌處暑節遷甲方忌白露  
節遷乙方忌寒露節遷辰方忌霜降節遷巽方  
忌立冬節遷巳方忌小雪節遷丙方忌大雪節  
遷丁方忌小寒節遷未方忌大寒節遷坤方忌  
立春節遷申方忌雨水節遷庚方忌驚蟄節遷  
辛方忌清明節遷戌方忌穀雨節遷乾方忌立

夏節遷亥方忌小滿節大抵二十四山皆有對  
待在卦則乾巽坤艮坎離震兌在支則寅申巳  
亥辰戌丑未在干則甲庚壬丙癸丁辛乙此皆  
相沖以成對待在山家則爲山向在宅元則爲  
坐向

十七論選擇

選擇之術今所用年月率遵各家通書更名雖  
異大抵皆同無過橫推豎看之例試求其故莫  
知所從世皆宗尚毋敢非之近世泰和周視作

陰陽定論闢通書年月之謬論辨甚詳足破俗  
術之惑以其不便於術家故不盛行於世觀其  
所論年月用之殊驗周視之論曰夫宅兆者乃  
地理之成功天文者乃選擇之妙用宅兆無補  
于選擇選擇有補于宅兆宅兆如利舟選擇如  
利楫非舟無以載物非楫無以行舟此論選擇  
必以天文爲主更兼壬遁及造命法及可郭景  
純云天光下臨地德下載藏神合朔神巡鬼避  
嘗試言之天光下臨者乃日月星辰之照臨有

薄蝕晦朔進退伏留最關於世運之興替也地  
德上載者乃山川融結以及都邑城郭之建立  
與夫居人宅兆之興修也藏神合朔者乃六壬  
察驗之吉凶也神迎鬼避者乃奇門遁甲運用  
當時法術之妙也每閱張子微赤霆經所載天  
文地理六壬遁甲四事蔡牧堂所作嶽麓問答  
國初劉文成翊運錄所載數條皆天文壬遁之  
術足證選擇之妙用但今之時師知此者鮮矣  
姑俟考訂未敢深譚

## 十八論門路

凡開門乾門宜戌亥坎門宜壬癸艮門宜丑寅  
震門宜甲乙巽門宜辰巳離門宜丙丁坤門宜  
未申兌門宜庚辛又艮爲鬼戶不宜正當艮字  
所由之路坎離震巽宜由東方乾坤艮兌宜由  
西方

## 十九論厨竈井池碾磨

坎宮厨竈宜甲方大吉未申庚辛方亦吉井池  
倉庫宜巽方生氣宮大吉乾方亦吉碾磨宜東

北五鬼方正西禍害方大吉

離宮厨竈宜甲方大吉戌亥未申方亦吉井池  
倉庫宜東方生氣宮大吉坤方亦吉碾磨宜正  
西五鬼方東北禍害方大吉

震宮厨竈宜庚方大吉未申丑寅方亦吉井池  
倉庫宜南方生氣宮大吉艮方亦吉碾磨宜四  
南禍害方西北五鬼方大吉

巽宮厨竈宜庚方大吉辛丑寅方亦吉井池倉  
庫宜北方生氣宮大吉乾方亦吉碾磨宜西南



五鬼方西北禍害方大吉

乾宮厨竈宜丙方大吉辰巳壬癸方亦吉井池  
倉庫宜西方生氣宮大吉坎方亦吉碾磨宜正  
東五鬼方東南禍害方大吉

坤宮厨竈宜癸方大吉甲乙壬癸方亦吉井池  
倉庫宜東北艮方生氣宮大吉離方亦吉碾磨  
宜正東禍害方東南五鬼方大吉

艮宮厨竈宜乙方大吉辰巳申方亦吉井池倉  
庫宜坤方生氣宮大吉震方亦吉碾磨宜正南

禍害方正北五鬼方大吉

兌宮厨竈宜癸方上吉辰巳壬方亦吉井池倉庫宜乾方生氣宮大吉巽方亦吉碾磨宜正東絕命方正南五鬼方大吉


二十論馬牛六畜


八宮馬牛俱宜生氣方六畜坎宮宜辰巳方離宮宜辰巳方震宮宜壬癸方巽宮宜丙丁方乾宮宜未申方坤宮宜寅丑方艮宮宜庚辛方兌宮宜未申方又方位歌云一德中宮宜養馬三

台位上定猪方牛屋奇羅爲上善羊逢紫炁定  
 高強貪狼位上安雞鴨太陽六畜最宜良虎豹  
 狐狸最不祥更兼血忌大難當刀兵連及刀砧  
 殺六畜令教見滅亡

馬牛六畜方位圖

照坐山起





八宅四書四

五行生剋斷訣

金入木宮金爲星震巽爲宮金在上木在下星  
剋宮根身受剋入震傷長男入巽傷長婦主顛  
狂喘咳之疾筋骨疼痛腰腿生癰不論武曲破  
軍

金入水宮金爲星坎爲宮金在上水在下星生  
宮金生水主興隆人口平安福祿日增資財時  
進六畜茂盛兒孫繁衍此指武曲而言若是破

軍凶多吉少

金入火宮金爲星離爲宮金在上火在下宮剋  
星根身受剋發凶尤甚資財速退家業空虚子  
孫絕敗乾金與武曲俱傷陽兌金與破軍俱傷  
陰主生肺疾咳嗽喘悶婦人產癆血崩蓋因火  
能煉金家不從容人多疾病

金入土宮金爲星坤艮爲宮金在上土在下官  
生星土生金家業興人財盛子生四男兒孫興  
旺但土雖生金陰金入陰土終必沉埋文難獲

福

金入金宮武曲破軍爲星乾兌爲宮武曲入乾  
兌二宮俱陽入陰宮二金比肩資財茂盛六畜  
蕃衍人口平安多生男破軍入乾兌二宮多主  
凶事財帛退敗六畜傷損田蚕虛耗絕嗣覆宗  
子孫亡敗寡婦當家多生女人訣云重陰入陰  
哭聲喁喁男寡女寡子孫無踪

木入金宮乾兌爲宮貪狼爲星木在上金在下  
宮剋星根身受剋入乾宮傷陽入兌宮傷陰貪

八宅四書 卷四  
狼雖吉不宜入乾兌先吉後凶所謂相剋半中  
平是也三十年後人財退散男女主生癱瘓咽  
喉病痛心怔怔或自縊或吐血筋骨腰腳之  
災瘦癆黃腫之患

木入木宮震巽爲宮貪狼爲星二木比和其家  
興旺廣進田庄子孫蕃衍六畜茂盛人口平安  
百事順利

木入水宮坎爲宮貪狼爲星木在上水在下宮  
生星木得水養根深茂盛王生五男錢財旺



六畜俱蕃田蚕倍收粟麥盈倉永膺吉慶  
木入火宮離爲宮木爲星木在上火在下星生  
宮田蚕興旺人口平安資財茂盛六畜盈欄木  
雖生火木上火下恐火太旺燒盡木根而絕嗣  
此又不可不知

木入土宮坤艮爲宮貪狼爲星木在上土在下  
星剋官身稍受剋不利長房其家財物漸漸消  
退土被木剋多犯脾胃傷損噎轉疥癩之病人  
多瘦弱面黃六畜不旺田蚕不收

水入金宮乾兌爲宮文曲爲星水在上金在下  
宮生星六煞雖凶其宮相生資財六畜始順利  
而終絕敗陰人主事亂業胡爲官司口舌陰症  
相隨婦人多病

水入木宮震巽爲宮文曲爲星水在上木在下  
星生宮六煞雖凶星宮相順六畜亦旺資財亦  
興人口亦安田蚕亦盛日後不免寡婦當家  
水入水宮坎爲宮文曲爲星水入水宮壬癸太  
重家業飄零男早喪子孫稀多水蠱疾病脾腸

腫面皮黃子孫飄蓬六畜倒死田宅虛耗

水入火宮離爲宮文曲爲星水在上火在下星  
剋宮名爲水火相煎絕妻損女幼妻中女災害  
淫亂官司口舌邪神祟鬼賊盜火光六畜倒死  
家業空虛人口傷害先傷中男中女後死小兒  
老母火遭水剋多主心痛癆傷水來剋火多主  
血崩腎冷水來制火多主膿血喑啞

水入土宮坤艮爲宮文曲爲星水在上土在下  
宮剋星根身受剋六畜倒死錢財不旺田蚕不

收官司盜賊人離財散百災競起土剋水風狂  
之灾面色痿黃或瘦癆腹腫之患或噎食水蠱  
之灾水入坤宮主傷婦女水入艮宮主傷男子  
水入坤從陰入陰哭聲吟吟水入艮從陰入陽  
哭聲忙忙

火入金宮乾兌爲宮廉貞爲星火在上金在下  
星爲宮入兌宮先傷少女五鬼勢惡主心痛咳  
嗽血光肺虛面色乾黃產癆而死入乾宮多傷  
家長官司刑陷血光橫傷金被火傷口舌是非

火金相尅煎殺仇害

火入木宮震巽爲宮廉貞爲星火在上木在下  
宮生星但廉貞勢大木雖生火不見吉祥反招  
凶禍主田宅退敗盜賊連連忤逆凶徒上下不  
順資財耗散老幼不安訣云木能生火反不生  
身稍受尅禍頻頻官司口舌年年見喫酒行兇  
打外人

火入水宮坎爲宮廉貞爲星火在上水在下宮  
尅星譬如飛雪紅爐點到卽化定無餘資家業

破敗人口災傷官事疊見火遭水尅眼疾心痛  
吐血產難下元寒冷水制火傷瘦癆吐濃先亡  
中男少男次亡家長水火交戰災害競起重重  
寡婦烘烘交鬧

火入火官離爲官廉貞爲星火焰逼人發凶尤  
速六畜田蚕不旺寡婦當家訣云心痛吐血火  
燒家疥癩瘡疾難化中女陰人多病家長癆病  
交雜比合鬼星管事人人破敗離家寅午戌年  
絕根芽此是鬼星造化

火入土宮坤艮爲宮廉貞爲星火在上土在下  
星生宮但火爲五鬼多凶少吉火星入坤老母  
先亡火星入艮少男辭世癰疽瘡癩庄田退敗  
六畜逃失奴走難尋家業凌替

土入金宮乾兌爲宮巨祿爲星土在上金在下  
星生宮但土有不同祿存爲陰土土雖生金戊  
巳多終必埋沒田蚕不旺財帛不興禍害入兌  
陰人死禍害入乾男子亡若是巨門星入於乾  
兌宮中資財大旺六畜繁興田蚕茂盛子孫振

振

土入木宮震巽爲宮巨祿爲星土在上木在下  
宮尅星根身受尅災害必重祿存受尅傷陰人  
巨門受尅傷男子家業凌替牛羊倒死田蚕不  
收人口災害巨門受尅腫蠱殘噎耳目盲聾面  
色黃瘦脾肚不和胃氣衝心祿存受尅風病難  
動履耳聾兼禿瞎

土入水宮坎爲宮巨祿爲星土在上水在下星  
尅宮星宮不順身稍受尅主少亡子孫中子敗



絕寡婦相繼女人管家六畜倒死田蚕虛耗土  
來水宮風病之灾面色黃瘦肚腹腫脹失言喑  
啞水蠱噎食脚疼腿痛耳聾腎虛

土入火宮離爲宮巨祿爲星土在上火在下官  
生星星宮相順富貴資財錢帛大旺六畜茂盛  
田蚕倍收米穀盈倉訣云火能生土福綿綿牛  
羊孳畜遍庄園人口平安常吉慶後代見孫廣  
進田此指巨門土說若祿存則凶多吉少  
土入土宮坤艮爲宮巨祿爲星巨門到艮傷少

男到坤傷老母祿存到坤艮俱傷陰土生萬物  
號爲財土入土宮土重反埋資財少男老母立  
見灾殃土多必有噎轉膨脹之灾土虛必有虛  
怯殘疾之病

星卦生尅斷訣

宮生宮人口昌宮尅宮人口戕宮生星田財進  
宮尅星田財亡星生宮六畜旺星尅宮六畜傷  
內尅外凶猶可外尅內凶莫當外生內發福速  
內生外家亦康陽尅陰女受禍陰尅陽男遭殃

抽爻換象斷訣

坎變兌是水澤節正與困反雖金水相生兌坎不比又得祿存土星主子孫絕敗賊盜橫禍

坎變震是水雷屯正與解反水木相生震坎比和又得巨門土星主子孫富貴小口不利

坎變離是水火既濟正與未濟反雖水火相尅離坎比和又得武曲金星主眼疾破財先利後貧

坎變乾是水天需正與訟反雖金水相生乾坎

不比又得文曲水星主官事逃亡子女絕嗣  
坎變巽是水風井正與渙反水木相生巽坎比  
和又得貪狼木星主錢財大旺婦女顯貴

坎變艮是水山蹇正與蒙反水土相刑艮坎不  
比又得廉貞火星主子孫貧窮膈噎疾病

坎變坤是水地比正與師反水土相尅坤坎不  
比又得破軍金星主中男死亡人離財散

坎變坎是伏吟五行無尅伏位之神陽旺陰衰  
主婦女死亡灾禍破財

離變艮是火山旅正與賁反雖火土相生艮離  
不比又得祿存土星主損財傷畜賊盜喪禍  
離變巽是風火鼎正與家人反木火相生巽離  
比和又得巨門土星主錢財旺盛子孫絕敗  
離變坎是火水未濟正與既濟反雖水火相尅  
坎離比和又得武曲金星主眇目眼疾田財大  
旺

離變坤是火地晉正與明夷反雖火上相生坤  
離不比又得文曲水星主二姓同居子女貧賤

離變震是火雷噬嗑正與豐反木火相生震離  
比和又得貪狼木星主男孝女貞一門貴顯  
離變兌是火澤睽正與革反金火相刑兌離不  
比又得廉貞火星主官事破財婦女早亡

離變乾是火天大有正與同人反金火相尅乾  
離不比又得破軍金星主子孫夭壽家長噎病  
離變離是伏吟五行無尅伏位之神陰旺陽衰  
主家門興旺後無子嗣

震變坤是雷地豫正與復反木土相刑坤震不

比又得祿存土星主老陰先亡男婦多病  
震變坎是雷水解正與屯反水木相生坎震比  
和又得巨門土星主財旺尅妻子孫興盛  
震變巽是雷風恒正與益反二木成林巽震比  
和又得武曲金星主錢財興旺人丁貴顯  
震變艮是雷山小過正與頤反木土相刑艮震  
不比又得文曲水星主火光賊盜田產敗盡  
震變離是雷火豐正與噬嗑反木火相生離震  
比和又得貪狼木星主子孫貴顯錢財進益

震變乾是雷天大壯與无妄反金木相尅乾震  
不比又得廉貞火星主長男老翁官災歿

震變兌是雷宅歸妹正與隨反金木相刑兌震  
不比又得破軍金星主子孫絕敗投河縊刃

震變震是伏吟五行無尅伏位之神陽旺陰衰  
主家門榮貴陰人歿亡

巽變乾是風天小畜正與姤反金木相刑乾巽  
不比又得祿存土星主尊長災禍出有妖媚  
巽變離是風火家人正與鼎反木火相生離巽



比和又得巨門土星主婦人寡居先富後貧  
巽變震是風雷益正與恒反二木成林震巽比  
和又得武曲金星主人口興旺富貴雙全

巽變兌是風澤中孚正與大過反金木相尅兌  
巽不比又得文曲水星主聾瞽殘疾子女逃散  
巽變坎是風水渙正與井反水木相生坎巽比  
和又得貪狼木星主子孫榮貴田產益進  
巽變坤是風地觀正與升反木金相尅坤巽不  
比又得廉貞火星主子孫少亡膈噎疾病

巽變艮是風山漸正與蠱反木土相刑艮巽不比又得破軍金星主心痛腫病子女少亡

巽變巽是伏吟五行無尅伏位之神陰旺陽衰主田財旺盛子孫稀少

乾變巽是天風姤正與小畜反金木相刑巽乾不比又得祿存土星主自縊投河陰人疾病

乾變艮是天山遯正與大畜反金土相生艮乾比和又得巨門土星主資財榮貴陰人外亡

乾變坤是天地否正與泰反金土相生乾坤比

和又得武曲金星主夫賢妻順人口平安  
乾變坎是天水訟正與需反雖金水相生坎乾  
不比又得文曲水星主婦人殘疾口舌官事  
乾變兌是天澤履正與夬反二金無尅兌乾比  
和又得貪狼木星主錢財旺盛婦女淫亂  
乾變震是天雷无妄正與大壯反金木相刑震  
乾不比又得廉貞火星主長男小口凶災疾病  
乾變離是天火同人正與大有反金火相刑離  
乾不比又得破軍金星主家長凶災火光賊盜

乾變乾是伏吟五行無尅伏位之神陽旺陰衰  
主陰人死亡子孫忤逆

坤變震是地雷復正與豫反木土相尅震坤不  
比又得祿存土星主人離財散橫禍凶災

坤變兌是地澤臨正與萃反金土相生兌坤比  
和又得巨門土星主田財不缺後必絕嗣

坤變乾是地天泰正與否反金土相生乾坤比  
和又得武曲金星主子孫興旺田產遍野

坤變離是地火明夷正與晉反雖火土相生離

坤不比又得文曲水星主口舌災害缺少子孫  
坤變艮是地山謙正與剝反二土無尅艮坤比  
和又得貪狼木星主子孫富貴不利巾男中女  
坤變巽是地風升正與觀反木土相刑巽坤不  
比又得廉貞火星主陰人疾病子孫興旺  
坤變坎是地水師正與比反水土相尅坎坤不  
比又得破軍金星主投河落井家破人亡  
坤變坤是伏吟五行無尅伏位之神陰旺陽衰  
主多寡居兒孫少亡

艮變離是山火賁正與旅反雖火土相生離是  
不比又得祿存土星主子孫逃移陰人病死  
艮變乾是山天大畜正與遯反金土相生乾是  
比和又得巨門土星主子孫賢孝不利陰人  
艮變兌是山澤損正與咸反金土相生乾艮比  
和又得武曲金星主人口興旺田財進益  
艮變震是山雷頤正與小過反木土相刑震艮  
不比又得文曲水星主子孫橫禍破財損畜  
艮變坤是山地剝正與謙反二土無克坤艮比

和又得貪狼木星主少男勞瘁邪患尊輩

艮變坎是山水蒙正與蹇反水土相尅坎艮不比又得廉貞火星主人離財散小口死亡

艮變巽是山風蠱正與漸反木土相刑巽艮不比又得破軍金星主官事疾病損傷人口

艮變艮是伏吟五行無尅伏位之神陽旺陰衰主少女外官災禍患

兌變坎是澤水困正與節反雖金水相生坎兌不比又得祿存土星主子孫貧窮口舌官災

兌變坤是澤地萃正與臨反金土相生坤兌比和又得巨門土星主財旺絕嗣異姓同居

兌變艮是澤山咸正與損反金土相生艮兌比和又得武曲金星主人口興旺子孫榮貴

兌變巽是澤風大過正與中孚反金木相尅巽兌不比又得文曲水星主火災賊盜人多病患

兌變乾是澤天夫正與履反二金無尅乾兌比和又得貪狼木星主婦女淫邪子女殘疾

兌變離是澤火革正與睽反金火相尅離兌不



比又得廉貞火星主人雖財散疼痛疾病  
兌變震是澤雷隨正與歸妹反金木相刑震兌  
不比又得破軍金星主六畜損傷人口逃散  
兌變兌是伏吟五行無尅伏位之神陰旺陽衰  
主財旺子稀一門寡居

### 九星歷卦斷訣

生氣在坎離震巽爲得位發福攸長在乾兌爲  
內尅在艮坤爲外戰謂之吉星失陷亦難發福  
天醫在乾兌艮坤離爲得位發福攸長在震巽

爲內尅在坎宮爲外戰謂之吉星失陷亦難發福

延年在乾兌爲得位艮坤爲受生發福攸長在離宮爲內尅在震巽爲外戰謂之吉星失陷亦難發福

絕命在離宮如窮獸被迫猶能反噬在震巽如強梁得志虐害忠貞在艮坤如積糧資寇養虎貽患在坎宮如駭猛獸入窰猶肆咆哮在乾兌如梟獍長大反噬所生

五鬼在震巽如火生於木焚澤燎原在乾兌如  
沃集烈日爍石流金在艮坤如火炎崑岡玉石  
俱焚在坎宮如野葛烏頭不受炮制在離宮如  
以膏益火煙焰轉熾

禍害在震巽如豪奴悍婢雖受制而包藏禍心  
在乾兌如黠虜歸王始雖效順終致反覆在離  
宮如認賊爲子自劫家寶在坎宮如受人怙恃  
恣肆猖狂在艮坤如朋比協從圯族敗政  
六煞在乾兌如獻笑靚妝逾垣窺戶在艮坤如

老婦妻於士夫唱隨可醜在震巽如貞女失身  
穢德彰聞在坎宮如濮上答歌棄間贈樂在離  
宮如姑婦同室啐語呼喚

九星宮位斷訣

貪興長子巨興中武曲小房定興隆文敗中房  
祿敗少破廉長子受貧窮水一土二木三數金  
四土五各相從

九星子孫斷訣

貪生五子巨三郎武曲金星四子強獨火廉貞

見二個輔弼只是半見郎文曲水星多一子破  
軍絕敗守孤孀祿存土宿人延壽生尅休囚何  
細詳

開門斷訣

乾坎二宅互相不宜開門坎爲乾之文曲星乾  
亦如之主男女素雜姪亂無耻家聲不潔內金  
生外木雖發財亦主火盜墮胎退產之患

乾震二宅互相不宜開門震爲乾之五鬼星乾  
亦如之金來尅木傷長子火去傷金傷老翁此

乃星尅宮宮尅宮也主火盜官非牢獄之患邪  
魔尅宮父子不和

乾巽二宅互相不宜開門巽爲乾之禍害星乾  
亦如之謂之宮尅宮乃老陽尅長婦主墮胎產  
亡男生風疾兄弟不和出入才證婦人自縊祿  
存屬土生宮雖有財不免諸病

乾離二宅互相不宜開門離爲乾之絕命星乾  
亦如之乃星宮相尅謂之金火相煎老翁勞咳  
少婦火傷邪魔纏害火盜相侵日久破家絕嗣

賤絕

坎艮二宅互相不宜開門艮爲坎之五鬼星坎亦如之宮乃水土相尅星乃水火相煎主傷小口邪魔纏害投河自縊官災火盜長子不孝中子夭亡寡婦熬煎之患

坎坤二宅互相不宜開門坤爲坎之絕命星坎亦如之乃母冠子主中男不孝小口自災婦女墮胎宮非改財人生蠱病脾胃之災陰旺陽衰婦人管家官尅官生禍星生官雖有財災害亦

不免

坎兌二宅互相不宜開陽兌為坎之禍害星坎亦如之外尅內宮主中男不利火盜官災男惹官非女遭產難外宮生內雖有子孫富盛不免殘疾摧年

艮震二宅互相不宜開門震為艮之六煞星艮亦如之文曲入宅星木官木土星官相尅主火盜官非男遭訟害女被產厄  
壬午人口生脾疾瘟疫不免



艮巽二宅互相不宜開門巽爲艮之絕命星艮  
亦如之破軍入宅土木相尅小男不利長婦墮  
胎火盜破財主人生痞疾風癱日久敗絕  
艮離二宅互相不宜開門離爲艮之禍害星艮  
亦如之禍害入宅星與官比內官生外主小房  
疾病纏身父子不和風聲嬌亂但有黃蛇出見  
者小子與中嫂通姦此乃比和之應

震坤二宅互相不宜開門坤爲震之禍害星震  
亦如之祿存星入宅老母先亡墮胎癆疾亦主

姪亂先損財帛後損人丁此乃宮尅宮之害

震兌二宅乃龍虎之方互相不宜開門兌爲震之絕命星震亦如之破軍入宅金木相尅定傷長男長女官災賊盜癆瘵瘡疾目瞽之患此乃星官相尅之害

巽坤二宅互相不宜開門坤爲巽之五鬼星巽亦如之廉貞入宅官尅官木土相尅主老母多災難產癆腫火盜傷殘疾病摧年陽衰陰旺女人掌權

巽兌二宅互相不宜開門兌爲巽之六煞巽亦如之文曲入宅乃金尅木官尅宮也主長男亡陰衰陽盛老母先亡子孫瘋顛火盜災害淫亂風聲

離坤二宅互相不宜開門坤爲離之六煞離亦如之文曲入宅官尅星星尅宮水火二宅互相尅戰姪陰相侵主損陰人退財損畜墮胎肉亂離兌二宅互相不宜開門兌爲離之五鬼離亦如之廉貞入宅星宮相尅謂之金火相煎陰人

受害火盜相侵邪魔纏擾血光產難翁母生難  
財散敗絕

門尺斷訣

九宮八卦數一氣五行更貞木貴人始兼善濟  
蒼生蘇蘇火次行赫赫富持百根盤荒棘盛惟  
是少晶英次三木尅土樛木萬蘿盈戢戢鍾斯  
羽行行商考成次四木見金有制中和行衣冠  
優不俗禮樂自清新次五木逢水時平生意萌  
紅紫皆分闢春來萬物榮治土天災星化成花

色精當座西施女驚人白國傾次二土生金暗  
味金斯生沉埋多蔽魄無明土蔽精次三土尅  
水龍虎閉交爭夫妻少和合親隣不弟兄次四  
土逢木觸殺生災毒十惡犯全兇人絕家回祿  
次五土得火性燥不溫頗戾隱自縊昏惟宜速  
修可合土天禍星滲漏資財傾蹇失家奴盜人  
事且伶仃次二土生金食泄災愈深故亡損幼  
小速改免災迤次三土尅水致青天災迤饒人  
自修善不免擾紛紛次四土見木觸人致毆爭

閭牆房閭內速改免家傾次五土得火口舌相  
爭能土田互論界徒勞唇舌頻利水天財星天  
財蜂木與田蚕收百倍且來龜十朋次二水生  
木進田徧丘麓禾園茂林深鼠雀皆平伏次三  
水尅火招財堆上塲市賈宜斯門賣買人成夥  
次四水逢土六藝九流甫性巧財不興木命財  
神補次五水得金橫得財盈門源來恒不息木  
命十分春亨金官祿星加俸官祿陞常人值此  
貴官司戶役興次二金生水食祿迎資財財聚

民心散衙門安不該次三金尅木辛酸相和合  
美食珍羞嘉膳府厨門作次四金逢火百煉還  
真精學問希顏閔孝弟舜堯心次五金得土土  
貴官祿生爵祿蔭乎後衣冠及子孫人火孤獨  
星如雪披麻衣尅刑憂上下家居聲嘆欷次二  
火生土食泄無資助惟思學蹠行偷人遠自露  
次三火尅金金財少聚寧強立范丹志徒自嘆  
孤貧次四火見水觸殺災厄起心病人難醫火  
災災不止次五火逢木生育成孤嫠傷殘骨肉

分夫妻時反目天火天賦星火炎爭競凶三禡  
田非得于今又奪爭次二火生土食泄傷心肺  
吐嘔血崩來瘡膿紅濁苦次三火尅金尅金肺  
不清痰疫加災火長棲黃塌薨次四火見水觸  
殺婦兒苑堂上親不寧人情薄如紙元金宰相  
星智慧空明生萬殊由一本一本萬殊行次二  
金生水如石居安穩食泄真元金不發不傷本  
次三金尅木妻財盈富旺加丁日進錢和睦人  
日廣次四金見火有制中無過仁義遠傳揚家



藏多寶貨次五金逢土行履上人路吉慶自天  
來祥喜迎門戶耦尺元金星執持權柄卿中立  
無偏倚濟弱與扶傾次二金生水盡是忠信行  
待物無欺周謨猷少變更次三金尅木財旺生  
官祿兼善濟時艱蒼生成仰福次四金見火有  
制金成器俊雅有才名術筭能書藝次五金得  
土土生發人伍氣質皆聰明尚書佐明府耦逢  
天火星一敗篋罄空水命生財用金生災訟凶  
次二火生土食泄退人壽是知命水人多應少

其後坎三火見金見財少見人不孝傷根本自  
絕及諸昆坎四火逢水觸殺災危否若值土郎  
君不死災不止坎五火得木長病着牀卧醫人  
不離門速修改無禍耦逢人火星橫死家凶沒  
修德速改之德盛回天沐坎二火生土食泄傷  
災毒官事訟公庭改修免刑戮坎三火尅金肺  
臟受病深夏來感時氣速改免災臨坎四火見  
水觸殺災速否土命多有財不能置居址坎五  
火得木子遺人少祿門戶獨支持顧影見雙逐

耦逢亨金星攻習明六經道義遵周孔聲名遠  
播馨次二金生水才學工用深莫迓天資美食  
泄琢磨成次三金尅木清貴食天祿翰顯立功  
勲宜安公府屋次四金見火藝術得財速財祿  
日盈門運聚如鬼逐次五金得土土生天錫祿  
出貴近君王公庭安享福耦逢利水星水智文  
章清因文得財寶書房門顯榮次二水生木富  
貴多庄屋常人家可安內藏有金玉次三水尅  
火進財又進寶商賈安此門店藏有百貨次四

水見土智仁信誠輔十善五福隆小人反多阻  
次五水逢金蠱斯詠德馨積德又積財兒孫簪  
冠纓耦逢合土星悖逆無真情作福自成梗不  
改終須傾次二上生金食泄多外行泣哭路亡  
故急宜再改更次三土尅水離散家無主速改  
此闕門積修方可處次四上見木觸殺生災毒  
男女帶桃花奔合成淫慾次五土得火貪婪財  
與貨飲酒忘真情發狂醉不卧耦逢治土星酒  
色損其身痺瘋疾肢體速改始安生次二土生

金邪妖鬼弄人戶牖自關閉飛砂石打身次三  
土尅水尅水腎莖萎春防時氣加黃塌卧不起  
次四土見木觸殺生災禍羨里爲獄囚含苦冤  
難過次五土得火雀舌災宜躲公事起無由官  
刑足顛跛耦逢貞木星木星產貴人舉動真奇  
異出類非等倫次二木生火詩書皆讀過衣巾  
義路行分外事不做次三木尅土橫得土財物  
人家安此門錢穀堆滿屋次四木逢金有制中  
和行孝弟誠希舜超羣能踐形次五木得水出

八宅四書

卷四

二十五

官貴不已積德宜此門積惡官司和